

Årsmelding 2021 - Vang frivilligsentral



Hovudmål:

Vere ein katalysator for frivillig verksemd i Vang

Visjon:

Møte mellom menneske



4. februar opna vi BUA Vang!

Delmål 1: Vere ein sosial møteplass på tvers av alder, bakgrunn og interesser

Også 2021 var prega av korona. Sentralen heldt ope 3 dagar i veka, men med restriksjonar store delar av året. Det har vore generelt lite besøk, og ikkje ein sosial møteplass som normalt.

Saman med biblioteket og andre har vi arrangert 17 arrangement + biblioteket sin litteraturfest. Til saman deltok om lag 935 på desse arrangementa og 405 på våre faste aktivitetar. (sjå s 4 og 6)

Delmål 2: Vere ein støttespelar for frivillige lag og eksisterande aktivitetar i kommunen

Fleire av arrangementa i 2021 var i samarbeid med frivillige lag og andre. I tillegg hjelper sentralen til med marknadsføring og rådgiving på ei rekke arrangement.

I 2021 vart det også satt i gang 2 større prosjekt:

Aktive saman - vi er 1 av 7 pilotar i dette prosjektet, som Norges frivilligsentraler har fått midlar til frå BufDir. Prosjektet skal bidra til at lokalsamfunnet saman skal oppfylle Fritidserklæringa; at alle barn skal ha mogelegheit til å delta jamleg i minst ein organisert fritidsaktivitet. Inger Kongslie Tveit er tilsett i 50% frå oktober 2021 til juni 2022.

Integrerande frivilligheit - saman med Innovangsjon, læringssenteret, folkehelsekoordinator og migrasjonshelse har vi danna ei prosjektgruppe med fokusere på å styrke informasjonsdeling og formidlinga av aktivitetstilbodet i Vang. Vi gjennomførte 2 innspelsmøter med frivillige lag og representantar frå målgruppa, og jobbar vidare med følgjande tiltak:

- Lage ein informasjonsvideo, teksta på ulike språk, der laga viser fram tilboda dei har.
- Produsere bilete/tekst til publisering på både digitale og fysiske flater.
- Utvikle ein foreningsportal på vangivaldres.no der lag/organisasjonar betre kan formidle oppdatert informasjon om sine tilbod, og innbyggjarane enkelt kan finne informasjon.
- Arrangere ein frivilligmarknad i 2022 der alle lag kan rekruttere nye medlemmar.

Vi søkte fleire tilskotsordningar om støtte med fikk ikkje dette innvilga i 2021. Prosjektet blir ein stor del av satsinga i frivillighetens år 2022.

Leve heile livet - dagleg leiar sit i kommunen si prosjektgruppe, med ansvar for satsingsområde 2; *aktivitet og fellesskap*. Vi gjorde i 2021 ei kartlegging av eksisterande aktivitetstilbod i kommunen.

Delmål 3: Auke det eksisterande tilbodet der det er behov

Hjelpeoppdrag - Vi har ikkje fått eller løyst nokon hjelpeoppdrag dette året.

Faste aktivitetar

- 5 elevar har *øvingskøyr* med sentralen sin bil og frivillige i 2021.
- Vi heldt fram med *Niste med noko attåt* i januar/februar, men stoppa grunna lite oppmøte.
- *Lekseklubben* var operativ våren og delar av hausten, før vi stoppa grunna lite oppmøte.
- Frå mars til juni heldt dagleg leiar saman med biblioteksjefen *datakurs* med ei ganske fast deltakargruppe. Hausten prøvde vi med ein meir sjølvstyrt *datakafé*, men med mindre hell.
- *Norsktimen* heldt fram delar av vårhalvåret. I juni døydde Elisabeth - eit stort tap både for frivilligsentralen og heile Vang.
- I oktober starta vi opp ein *språkkafe*, som fungerte veldig fint i nokre veker, før vi desverre måtte avslutte grunna eit lokalt utbrudd og at mottaket mot slutten av året stengte.
- *Middagsgjengen* har servert på Storplogen sundagar nesten heile året.
- På hausten hadde kulturskulen *Gitar ~ samspel* kvar veke.
- I tillegg har biblioteket arrangert *teiknekollektiv* og *strikkekafé*.

Julegåvedugnad - Sentralen har tatt i mot og pakka inn julegaver som tidlegare år. Vi rakk såvidt å dele ut til dei fleste barna på mottaket før dei reiste.

BUA - 20.2.2021 opna BUA Vang! Sidan då hadde vi ope tysdagar og torsdagar kl 15-18, med Are Flaten tilsett i 20%. BUA har i 2021 hatt 59 brukarar og 570 artiklar utlånt fordelt på 239 lån. 160 av våre 277 artiklar har vore utlånt.

Delmål 4: Vere ein synleg og påliteleg aktør for heile bygda

Både frivilligsentralen og BUA har eigne nettsider, og facebooksider med henholdsvis 970 og 353 følgjarar pr 31.12.21. Vi har også jamleg heilsider i menigheitsbladet, pressemelding og annonse i avisa samt plakatar og nyheitsbrev ved arrangement og andre nyheiter.

TV-aksjonen - våren 2021 vedtok formannskapet å overføre ansvaret for TV-aksjonen til administrasjonen. Kommunedirektøren spurte om frivilligsentralen var villige til å ta koordineringsoppdraget, og styret sa ja til eit års prøveperiode. Vi rekrutterte 4 områdeleiarar og, saman med dei, 21 bøssebærarar til årets aksjon *Barn, ikke brud*. Vi arrangerte temakveld og aktivitetsdag, selte leiker donert av Vang husflidslag, og formidla kampanjen i fleire kanalar. Vang endte til slutt på 5. plass i fylket og 47. plass nasjonalt, med totalt 124820,- kr samla inn.

Aksjonen har gitt oss ein ny arena for å vise oss fram, skape engasjement om ei viktig sak og rekruttere nye frivillige. Styret er positive til at sentralen beheld koordineringsansvaret framover.

Frivillige

56 frivillige har utført om lag 450 timar med frivillig arbeid for sentralen dette året. Av desse er 60% kvinner og 40% menn. 20% er bebuarar på mottaket. 40% er pensjonistar. 20 frivillige med faste oppdrag vart i desember invitert til julebord på Syndinstøga.

Økonomi

Kommunen fikk dette året kr 440 000,- frå staten for å ha frivilligsentral. Vi fikk også kr 100 000,- frå Sparebankstiftelsen DNB til BUA, samt 278 145,- frå Norges frivilligsentraler til Aktive saman. Delar av prosjektmidlane er overført til 2022. Samla driftsregnskap: kr 421 123,-

Styrearbeid og årsmøte

Hovedutval for levekår er sentralen sitt øvste organ. Årsmøte 2021 vart halde 24.2.21.

For 2021 vart følgjande styre valt:

Kari Hagaseth	(styreleiar)
Oddbjørn Skeie	(rep. frå adm.)
Elisabeth Myhre	(rep. frå HUL)
Hallgrim Rogn Børhus	
Gerd Marken	
Helge Lajord	
Grete Buajorde	
Mina Synøve Blom Haaverstad	(vara)

Styret har hatt 5 styremøter, samt bidrege på julegåvedugnaden og enkelte arrangement.



Elisabeth, Kari, Grete, Oddbjørn, Helge og Gerd

Regionalt og nasjonalt arbeid

Vestoppland nettverksgruppe har hatt 1 fysisk og 4 digitale møter i 2021. I desember vedtok sentralane i Valdres å trekke seg ut frå *Vestoppland nettvekrsguppe* og starte *Valdres nettvekrsguppe*. Vi skal følgje den kommunale Valdres-strukturen med rullering av leiaransvaret kvart halvår.

Dagleg leiar har 20% permisjon grunna styreleiarvervet i Norges frivilligsentraler. Vervet har i 2021 handla mykje om utforming av ny forskrift for statstilskotet.

VÅRPROGRAM I SAMARBEID MED BIBLIOTEKET ++

BESØK

Opning av BUA Vang	4. feb	20
Vinterferieaktivitetar	1.,3.,4. 3	75
Teikneseriar - noko for vaksne?! med Are Flaten og Alexander Haugeli	11. mars	10
Bokleik - for alle 6-åringar/skulestartarar		
Bokfinkenes krimfavoritter - kriminelt gode lesetips til påske	16. mars	10
Verkstad - korleis leie ei samtale, ein debatt eller eit bokbad?		
Konsert med Trio Gyllensvård		
Aktivitetsdag og Sykkelmekking	20. mai	60
Innspelsmøte # 1 - inkluderande frivilligheit	27. mai	30
Årets Sommarles-kampanje startar	1. juni	
Sommarfritidsklubb	21.6-9.7	30

FASTE AKTIVITETAR

BESØK

Niste med noko attåt	Måndagar kl 11.30	5 x 2 = 10
Datafé - frå 8. mars	Måndagar kl 12.30	10 x 7 = 70
Lekseklubb	Tysdagar kl 15.30	15 x 3 = 45
Lesesirkel	Tysdagar i ny og ne	4 x 5 = 20
Norsktime med Elisabeth Sparstad	Onsdagar kl 12	10 x 10 = 100
Teiknekollektiv - frå 11. mars	Torsdagar partalsveker kl 19	7 x 2 ~ 15
Strikkefé - mai/juni	måndagar kl 19	5 x 4 = 20

Om lag 235 deltok på vårens arrangement + om lag 280 på våre faste aktivitetar.



Opning av BUA Vang



Vinterferie - akedag



Vinterferie - Tryll og Tull med The Flying Seagulls



Aktivitetsdag og sykkelmekking



Aktivitetsdag og sykkelmekking



Innspelsmøte #1 med frivillige lag

HAUSTPROGRAM I SAMARBEID MED BIBLIOTEKET ++

BESØK

Valdres litteraturfest - sjå eige program	28.8-17.9	225
Haustattakfest - Vinjerock inviterer til lokalmatmarknad utanfor biblioteket	25. sep	250
Innspelsmøte #2, inkluderande frivilligheit	30. sep	20
Verdensdagen for psykisk helse - kaffi og skravlebolle med frikslivssentralen	8. okt	20
Hautferieaktivitetar - verkstader og BUA-leik	Veke 41	40
Barn, ikkje brud - vi ladar opp til årets TV-aksjon	Veke 42	20
Opning av årets Haustutstilling - Erling Sand, fotografi	30. okt	40
Konsert med Trio Gyllensvård	31. okt	65
Vikingblot, tusseladdar og skjoldmøyer - med Ragnhild Lund og Jon Heimlid	12. nov	
Bokkveld - med utdeling av positivprisen	1. des	20

FASTE AKTIVITETAR

BESØK

Gitar ~ samspel	Måndagar kl 15	12 x 3 ~ 35
Teiknekollektiv	Måndagar oddetalsveker kl 19	5 x 1 = 5
Datakafé	Tysdagar kl 13 frå oktober	5 x 2 = 10
Lekseklubb	Tysdagar kl 15	5 x 2 = 10
Strikkekafé	Tysdagar kl 19	6 x 2+ = 15
Lesesirkel	Tysdagar i ny og ne	2 x 5 = 10
Språkkafé	Onsdagar kl 12 frå oktober	4 x 10 = 40

Om lag 700 deltok på haustens arrangement + om lag 125 på våre faste aktivitetar.
Til saman gir det om lag **1340 besøkande på arrangement og aktivitetar i 2021.**



SommarFritidsKlubb



Haustferie / TV-aksjon - aktivitetsdag



Innspelsmøte #2 med frivillige lag



Språkkafé



TV-aksjon - temakveld



Trio Gyllensvärd

Tusen takk til alle frivillige som stiller opp <3



Kontakt

61 36 94 25 // 46 81 64 73
vang.frivilligsentral.no
bua.io/utlansordninger/bua-vang

frivilligsentralen@vang.kommune.no
facebook.com/vangfrivilligsentral
facebook.com/BUAVangiValdres